



# Recimo NE stigmi!



## Odgovor crkava i vjerskih zajednica na pandemiju COVID-19

„Zapovijest novu dajem vam: da ljubite jedni druge, kao što ja vas ljubih, da i vi ljubite jedni druge. Po tome će svi poznati: da ste moji učenici ako budete imali ljubav među sobom.“ (Iv 13,34–35)


„Ljubav sve prihvaća“ (IKor 13,7),

„Ono što želite da ljudi čine vama, činite i vi njima [...]“ (Mt 7,12),

„Prihvaćamo jedni druge kao što je Hristos prihvaćao nas.“ (Rim 15,7).

„O vjernici, neka se muškarci jedni drugima ne rugaju, možda su oni bolji od njih, a ni žene drugim ženama, možda su one bolje od njih. I ne kudite jedni druge i ne zovite jedni druge ružnim nadimcima! O, kako je ružno da se vjernici spominju podrugljivim nadimcima! A oni koji se ne pokaju – sami sebi čine nepravdu.“ (Kur'an 49,11)

Sveobuhvatna uloga crkava i vjerskih zajednica uključuje doktrinarna tumačenja i vjerska učenja o značenju pandemija i sličnih pojava sa kojima se čovječanstvo kroz istoriju već susretalo, ali ništa manje značajni nisu njihovo učešće i naponi na prevenciji i ublažavanju COVID-19 pandemije i njenih posljedica u zajednicama i društvima u kojima rade.



### Crkve i vjerske zajednice su vrlo uticajne zbog:

- Poštovanja i povjerenja koje imaju među zajednicama u kojima djeluju i svog moralnog autoriteta unutar društva kao cjeline;
- Svoje prirode institucija utemeljenih na vrijednostima vezanim za pitanja ličnog ponašanja, morala, porodičnog života i uvjerenja, poput promovisanja vrijednosti saosjećanja, razumijevanja, tolerancije, prihvaćanja i brige za ljude u nevolji;
- Svoje stalne prisutnosti i uključenosti u probleme i događanja u zajednici, uključujući neposredan odnos s ljudima u ključnim životnim događajima i obrednim ritualima (rođenje, odrastanje, brak, smrt), ali i razumijevanja potreba i stanja društva,
- Svoje pozicije duhovnog utočišta za vjernike i izvora snage, podrške i nade za ljude koji su bolesni ili imaju određene potrebe,
- Duge istorije pružanja duhovne podrške i njege, te ostalih socijalnih usluga u siromašnim ili manje razvijenim područjima.

### Kako bi se što djelotvornije uključile u smanjenje stigme na društvenom nivou crkve i vjerske zajednice između ostalog mogu:

- Inicirati razgovore o pandemiji unutar svojih zajednica i javno i, posebno, o postojanju stigme i diskriminacije vezane za pandemiju;
- Koristiti terminologiju koja umanjuje stigmatu kada govore o pandemiji COVID-19;
- Po potrebi, razviti dodatne smjernice koje će pomoći vjerskim liderima i religijskim zajednicama da se nose s temom COVID-a unutar osnovnih vjerskih principa;
- Biti nosioci i „lice“ anti-stigma kampanje ili na drugi način aktivno i neposredno uključeni u navedene aktivnosti;
- Identifikovati lokalne prepreke u iskorjenjivanju stigme i prepoznatim faktorima koji doprinose smanjenju stigme;
- Naglašavati toleranciju i prihvaćanje, kao i nestereotipne imidže i poimanja osoba koje su bile zaražene ili preboljele COVID-19
- Aktivno saradivati sa svim segmentima društva na promociji borbe na prevenciji i sprečavanju stigme u društvu